

古今圖書集成

中華書局影印

第一七八冊

方輿彙編

職方典

楚雄府部

潯江府部

景東府部

廣西府部

廣南府部

(卷)

一四七九—一四八四

一四八五—一四八九

一四九〇

一四九一—一四九二

欽定古今圖書集成方輿彙編職方典

第一千四百七十九卷目錄

楚雄府部彙考一

楚雄府建置沿革考

楚雄府疆域考 有圖 形勝附

楚雄府星野考

楚雄府山川考 水利附

楚雄府城池考

職方典第一千四百七十九卷

楚雄府部彙考一

楚雄府建置沿革考

本府

通志

戰國漢國地漢屬益州郡晉始置南廣郡屬寧

州咸康中置安州尋罷入寧州後為雜蠻所據

蠻酋築城居之名威楚又名硤碌唐貞觀末諸

蠻內附置傍望求丘覽五州屬姚州天寶末為

蒙氏所據徙銀生節度治之宋時段氏以銀生

屬姚州號為當節賊後改白鹿部又改威楚部

元憲宗八年置威楚萬戶府至元八年改為威

楚路後置威楚開南等路宣撫司明洪武十五

年改置楚雄府領州二縣五提舉司二

皇清因之康熙八年裁碣嘉縣入南安州領州二縣

四提舉司二

楚雄縣 附郭

唐蒙氏為安州威楚縣後蠻蠻據之宋段氏屬

姚州元初置千戶所至元中改置威州仍立富

民淨樂二縣尋降為威楚縣省二縣入焉明楚雄縣

皇清因之康熙六年裁楚雄衛屯賦併縣

定遠縣

漢越嶠郡地唐置西濮州貞觀中改擊州後沒

於蠻蠻長築新城曰耐龍宋屬段氏元初置牟

州千戶至元中改定遠州仍立南寧縣尋改州

為縣省南寧入焉明定遠縣

皇清因之康熙五年裁定遠所屯賦併縣

廣通縣

唐古路賧地後沒於蠻南詔立為路賧縣元初

置路賧千戶所至元中改廣通縣隸南安州明

改屬府

皇清因之

定遠縣

唐濮落蠻地曰南洞宋為大理舊治所元置定

邊縣隸鎮南州至元中省入州明復置縣改屬

府

皇清因之

南安州

唐黑蠻蠻地寨名摩芻宋高氏據元初置摩芻

千戶屬威楚萬戶至元中改南安州領廣通縣

明以縣隸府

皇清因之康熙八年裁碣嘉縣入焉

鎮南州

漢為濮落蠻所居川名欠舍中有城曰雞和唐

方輿彙編職方典第一千四百七十九卷楚雄府部

治宋屬段氏元初置欠舍千戶有故百戶至元中改欠舍千戶為鎮南州置石鼓定邊二縣後省二縣入州明置定遠縣隸南寧府州仍舊

皇清因之

黑鹽井提舉司

漢越嶠境唐初為西濮州境貞觀中更名擊州

訛為牟州尋沒於蠻蠻宋段氏據元初為牟州

境始設官提舉明定遠縣之寶泉鄉設黑井提

舉司轄鹽課司二

皇清因之

琅井提舉司

漢越嶠境晉安州境唐初為西濮州境貞觀中

為擊州境訛為牟州後沒於蠻蠻宋段氏據元

初為牟州境始名琅井設官提舉明為定遠縣

之寶泉鄉設琅井鹽課司分屬安寧井黑井二

提舉洪武中開尋閉成化中復開天啓三年裁

鹽課司移安寧州提舉於琅井改為琅井提舉

司屬楚雄府

皇清因之

楚雄府疆域圖



楚雄府疆域考

通志

本府

東至雲南府祿豐縣界一百五十五里
西至姚安府界一百六十里
南至景東府界三百里
北至姚安府大姚縣界二百二十五里
由府至省四百二十里
東西廣三百一十五里南北袤五百二十里
楚雄縣附郭

東至廣通縣界四十五里
西至鎮南州界五十里
南至南安州界四十五里
北至定遠縣界四十五里
按府志楚雄府在雲南布政使司西五百二十五里
東二百里至雲南府祿豐縣界
南三百八十里至沅江府界
西二百八十里至景東府界
北一百九十里至姚安府界
東北三百二十里至武定府界又二十里抵金沙江通會川衛路
東南三百五十里至雲南府易門縣界
西南四百五十五里至蒙化府界
西北四百五十里至大理府趙州界
東北達
京師一萬一千二十里
外州縣
定遠縣
東至廣通縣界四十五里
西至鎮南州界二十五里
南至楚雄縣界五十里
北至大姚縣界一百三十里
按縣志定遠在府治北九十里
東四十五里至安駝交廣通縣密直橋界
南五十里至會基關下交楚雄縣水塘哨界
西三十五里至化佛山下交鎮南州石背界

東南四十里至大江坡交廣通縣大海哨界
西南四十五里至羅平關交鎮南州白沙井界
西北四十里至火燒屯交姚州小哨界
東北九十里至阿已哨交元謀縣白沙灘界
廣通縣
東至祿豐縣界八十里
西至楚雄縣界三十里
南至南安州界九十里
北至定遠縣界八十里
按縣志廣通在府治東七十五里
東七十五里至祿豐縣界
南八十里至南安州界
西三十里至楚雄縣界
北九十里至黑鹽井界
東北九十里至元謀縣界
東南六十里至易門縣界
西北六十里至定遠縣界
西南五十里至楚雄縣界
東北至
京師一萬九百四十五里
東西廣百五里南北袤百七十里
定邊縣
東至趙州界二十里
西至蒙化府界七十里
南至景東府界一百二十里
北至蒙化府界三十里
按府志在府西三百一十里

東三百里至南安州界

南一百一十里至景東府界

西八十里至蒙化府界

北十五里至趙州界

西南一百五十里至雲州界

東北二百四十里至鎮南州界

由縣至省八百四十里

南安州

東至易門縣界一百四十里

西至楚雄縣界十里

南至景東府界二百五十里

北至楚雄府界五里

按州志在雲南布政使司西五百七十五里楚

雄府南五十里

東二百里至易門縣界

南二百里至新平縣界

西三百里至定遠縣界

北十里至楚雄縣界

西南四百里至景東府界

東北一百五十里至廣通縣界

鎮南州

東至楚雄縣界二十里

西至姚州界九十里

南至景東府界一百八十里

北至定遠縣界二十里

按府志在府西七十里

東四十里至定遠縣界

南二十五里至楚雄縣界

西一百里至姚州界

北五十里至姚州界

東南三百五十里至景東府界

西南二百里至趙州界

西北七十里至大姚縣界

東北二十里至定遠縣界

形勝附

本府 楚雄縣附郭

元志威楚當陽之地山川清秀南瞰金齒北距

羅葵東接昆若諸郡西連大理最為大部

岡巒盤鬱林麓迴環東峙響水雄關直扼諸彝

之領南控金沙要害實通九郡之衝

按府志諸峰環拱兩川縈迴有隘可守迤西九

郡之咽喉會城之屏蔽也

縣居四屬之中西南袤長密邇江外末盛一帶

頗稱奧區

定遠縣

四圍險絕中撫平川斷姚安之臂扼武定之吭

獅山前拱龍岡後蟠象峯左峙羊嶺右踰東黑

鹽井南會基關西羅平關北連山坡諸處皆極

險阻琅井府樹四塞一水中分黑井峭壁怒濤

中通一線為滇南財賦之區在定遠縣轄之內

廣通縣

高岡陡澗綿亘迴繞外以響水回澗諸關為鎖

鑰內以羅苴甸為奧區

西據重關之險東馳要害之路羅苴甸野曠川

平樹藝繁密縣治財賦半出其中然地近安南

當國防禦

定邊縣

山川險峻路通順雲蒙景及諸邊夷實滇省西

南門戶

東北距總兵坡崇巒峭壁海稱鳥道羊腸西接

無量山瀾滄江威實山路通順雲蒙景及者樂

甸明時緬甸入寇不由騰未直走定邊蓋以岐

路多而幽徑僻遠近策應不及故全滇震動實

諸邊之要隘控制百蠻必扼此焉

南安州

山深谷邃二百里外臨江為嘯聚數旦夕防禦

宜密

二百里外臨江即為野賊數今設重鎮防守有

妥甸雨龍法脹大場茂架營安郎法曼等哨綿

亙四百餘里皆內地之宜防者其險要猶在李

海邦漢大石崖五小大羊九等處制流塞源當

預籌焉

鎮南州

盤山後峙苴水前濬關隘英武阿雄道適榆姚

未順

地鮮平原田非沃壤西有英武之阻南有阿雄

之險雖非四塞雄圖實為九府要害

楚雄府星野考

府志

府總

天文滇爲井鬼分野天市垣屬西垣第四星周禮保章氏以星土辨封域以分野觀災祥顧其書亡矣而費蔡諸儒之說頗爲足據所謂實沉之次其州曰益是也明崇禎三年焚惑人井鬼其後土司沙定洲反亦一驗也

楚雄府山川考

通志

本府 楚雄縣 附郭

鴈塔山 在府南城内爲郡學文案

慈烏山 在鴈塔東城跨其上

平山 在城東三里

凌霄山 天馬山 二山俱在府城南十五里

許

碧藏山 在城西南一百二十里產銀礦開採

權稅名末勝場

九台山 在城西南九十里上有九臺曰大本

曰廣珠曰甘露曰聚仙曰大中曰振衣曰寫經

曰滿月曰湧蓮凡三十峰

峩碌山 在城西郭外上有石形如屏高八丈

餘驛名本此

鳴鳳山 在峩碌山左蜿蜒起伏環峙十數里

相傳蒙氏時有鳳鳴於上按明通志山下有石

石有巨人跡長二丈餘土人以爲神異

文殊山 在峩碌山南翠壁峻峭石泉甘冽上

有石泉寺

臥龍岡 在城西十里上有盤石隙內有物如蟾隱見不常

薇溪山 在城西三十里高千尺峰巒疊嶺麓有龍王祠按明一統志薇溪山高可千仞峰巒

百餘溪澮如之每溪皆有泉分流三十里合流入於臥龍江其溪皆有與雲雨之靈

紫溪山 在薇溪山右樹密峰高上多觀刹爲一郡山水之勝

錦囊山 在城北五里

龍泉 在城南鴈塔山下池水澄潔應月而潮弘治中知縣范璋精堪輿謂此水入洋當有中

鼎甲者嘉靖丁亥知府祝弘舒遂引入之壬辰庠生李啓東登進士第二甲一名傳臚

鳳泉 在慈烏山麓自地湧出清冽甘香按府志四時不竭注而爲東清塘

清練溪 在城治西三里流泉三疊清冷如鏡

龍川江 源發鎮南州其力鋪至州南爲白龍

河經府城北東北流過定遠至廣通東南爲大

河北流入金沙江

大江 在城之南上流即馬龍河自定遠東南

來下流即上江河自南安東南去歸元江入南

海

定遠縣

獅子山 在城南三里環曲如屏按縣志形類

獅子有觀音寺山可遠望人多遊樂

會基山 在城南三十里綿亘五十餘里羣峰

數十參錯爭奇按明一統志在縣南四十里高可三千仞連亘數百里有五十餘峯羣山之脉皆起於此上有會基關

羊牟泥山 在城西四里按縣志有武侯望子洞

赤石山 在城西二十里山多赤石按明一統志林木陰翳延亘二百餘里其東有泉下流爲

零川

化佛山 一名自久山在城西三十里方廣四十餘里洞泉深碧流爲瀑布樹葉落常有雙

翠鳥銜去按縣志天晴亦有雲霞布護相傳有

真龍潛焉禱雨輒應近多僧刹頗稱名勝

雲龍山 在城西二十里延袤六十餘里一名

臥龍山武侯遺跡在焉黃龍鳥龍二山左右匝

拱縣之名山也按縣志即連山坡又名文龍川

出其下連山坡餘丁壩兩哨建於上大姚往來

要衝

劉大山 在城北二十里山高林密夷人潛伏

剽掠明郡守邵敏縣令陳翊立哨於上行旅至

今便焉按縣志路通元謀上立有哨即今清水

河

獨立山 在城東北三十里一名諸葛山形如

圓樹下有白石泉按縣志即磨盤山孔明過此

異之掘斷左右以洩王氣

象鼻山 在城東五里其東二十五里爲石門

山兩巒對峙清夾零川又東三十里爲玉壁山

四峯爭奇峭峙同鑿雪寶應山南來赴之

龍川江 一源出雲龍山左之斗簪一源出雲龍山右之老虎簪二派合流自縣西北迤邐而南又東折三十里遠石門山會大河過黑井入金沙江

冷泉 在會基山清冽甘美

石羊井 在縣西五里有石如羊動之則溢

龍馬池 在縣西南二里按縣志舊傳池有龍馬率衆逐之忽失所在遂以爲名

文龍川 在雲龍山下

零川 又名苴河

茶小溪 在縣西十里許

清水河 在縣東二十里又東有其苗河青場河東北有大基河西有紫甸河南有木土龍河凡六河皆支水也

廣通縣

東山 在城東十里前有高登山後有九盤山俱極秀技按明通志勢若魚躍龍門縣以此爲景

和茶山 在城南十五里其東即阿納香山相連互二百餘里

管盤山 武侯征孟獲駐兵於此

鳳山 山形如鳳俗傳上有仙羊陰雨初霽彷彿見之以上二山皆在城西二里

回鑾山 在城西十五里相傳閻羅鳳雲南至此值雷雨而反按明一統志有關有泉出山之東爲觀山河

羅苴甸山 在城西五十里四山環峙平原沃

野一縣物產公輸大半出此
翠屏山 在縣西北四十里
龍街河 在城北七十里俗傳洞中常聞笙管聲

蟠龍山 在城北十里有泉甘冽東北接鶴者山

阿陋雄山 在城東北十五里高踰千仞泉水分流按府志有泉出山西爲羅申河出山南爲阿納河

伏獅山

臥象山

金雞山 三山俱在縣之羅川東南按明通志臥象山有二一在縣羅苴村東南獅象二山拱峙山麓出銀礦一在磅嘉縣東形如象臥元時設千戶所其上

清風河 在縣東三里發源趙普開達枯木白今建橋其上按縣志橋石隙中生樹一株其花艷似杏似梅名梅杏邑人異之

立龍河 源出馬鞍山流至孤山遠縣西定門外

阿陋河 源出阿陋井香山流經盤龍山南

關山河 在縣西五里源出赤摩村至元謀縣入金沙江

拾貨河 在縣西三十里源出武定東流南安界至元江入交趾

大河口 在縣北三十里源出楚雄春夏水勢洶湧險不可測

羅申河 在縣北五十里流經黑井至金沙江溫泉 距縣東南八十里按縣志水極清澈鄉人往浴可愈風疾

定邊縣

真武坐臺山 在縣治後鎮山也

擁翠山 在真武山之後去山十里有刀斯郎營寨遺址

陶羅山 在城北五里高可千仞

螺盤山 在城北十五里山頂盤旋如螺明西平侯沐英與刀斯郎戰於此名總兵坡舊產青緣上有自普關

太極山 在城西北四十里高出諸山之表一名竹掃山

鳳凰山 在城西三十里俗傳昔有鳳鳴於上今八九月間霧氣籠罩百鳥翔集

無量山 在城西五十里按縣志蒙氏封爲西岳山高萬仞爲西南天塹千峰萬壑有足跡不能至者因名無量俗傳孔明克順寧至此絕糧誤爲無糧

螺嶼山 在縣治前中河上高五丈餘瀑水冲激毫不崩決

團山 按縣志在治前二里峙河心

蒼山 按縣志去縣治十五里

馬鞍山 在縣治東南按縣志在治後又名月牙山

定邊河 在縣治南源發蒙化羅丘場經河上村東流爲馬龍河合府大江五六月間水洶湧

不可渡按縣志其河原無堤岸夏秋漲雨東西冲沒田禾皆沙石堆積

環川河 在縣北源發蒙化甸北名曰西河沿魏寶至太極山環流出會定邊河

白崖河 在縣東北十里源發雲南縣梁山經白崖迷渡至東湧三河會環川水

阿集左河 在縣南五十里源發無量山流經石洞寺至雀田哨入景東府大河

瀾滄江 在縣西南一百五十里按縣志發源於外城入永昌順寧蒙化經沙羅無量山下景東寶甸入錦龍江內縣轄江外即雲州界其水深河湧兩岸壁立奇觀也

南安州

健林蒼山 在州東三里昔黑蠻祖瓦晟吳立柵其上子孫漸盛不隸他部高氏封威楚方隸焉按明一統志健林蒼山在州東五里山半有泉相傳泉池有乖龍可祈年豐今訛為阿姑娘山

烏龍山 在州東北五里林深谷秀下有龍泉按州志有禱即應

鳳凰山 按州志在城南四里形勢如鳳按明通志有土主廟居鳳翅上神甚靈應

茶山 在城南五里許按州志在城南七里其上間產山茶故名

表羅山 在城西南八十里產銀礦按州志今山空硎廢

羊連山 在城西六十里學宮對之為文筆峰

黑初山 山高千仞五峯聳立連互百里按州志在磻嘉西一里一名盧初高千仞五峰聳列綿互百里

上門山 形勢險峻郡路經之三十六折而上按州志在磻嘉東北三里

臥象山 在舊磻嘉縣按州志形如象臥故名元設千戶所於上

妥稍河 在州西四十里流經楚雄東界合沙甸河下流

沙甸河 在州西南八十里流經易門界入元江

黑石河 在州南二百餘里流新平界入元江上門河 在舊磻嘉縣東北三里一名大場江

流新平界入元江

上江河 在舊磻嘉縣東五里即府大江下流白沙泉 在州東三里按明通志本溫泉可浴土人殺大厭之遂為寒泉按州志泉水湧溢灌溉田畝每歲春初祀之

石井 在州東北二里隨取隨滿

果羅泉 在舊磻嘉縣西四里

鎮南州 在州西南一里林木叢蔚鸚鵡巢其上

見性山 在城西北十五里按府志羣山環抱二水交流僧直往建寺於此蒼松翠柏鳥語花香遊人至此萬念俱空

十八盤山 在城北十五里山高路遠盤迴十八折方至其巔

金雞山 在城東五里高出羣峯背有金雞見其上按明通志每日將升山巔如火輪

石鼓山 在城東三十里上有石形如鼓舊縣名本此

五樓山 在石鼓之南巉巖峭拔上多奇石按府志凡有災祥其響如雷

會逢山 在城東南十里按府志又名象山峯巒聳秀草木叢茂上有石洞深不可測

石吹山 在城南三里舊傳有石鳴如大吹按明通志上有一石如大相傳凶年將至則石有聲若大吹然

五廢山 在城南三里

白龍河 在州南即其水一名虹江源出宜力鋪經州治匯府治大河

馬龍河 在州治西南一百八十里源出蒙化由定邊會府大江

清水河 在州東十里流入白龍河

丹桂泉 在州東五里路有黑泥槽

汎泉 在州東五里觀音洞傍頗甘

龍潭 有四一在州北十五里水出山限一在州南三十五里力戈村一在州西北二十里雙甸一在阿雄鄉七村按府志相傳有葉墜潭鳥即啼去

黑井 金榜山 在黑井東羣嶂如屏傍有瀑布絕頂峯 山峯峭峻高入雲表

雞冠山

鳳山 山勢翔舞真武洞在其上以上三山俱在井北

三道河 易者村觀音閣加塲村三水合一西入龍川江行鹽通衢

七局龍池 在司西北每天將南山鳴谷響俗傳有鼓吹燈影之異按縣志春夏水漲巨石流滾山谷搖動居民多以酒禱之

菖蒲溪 在司西北三里廣一里許菖蒲叢生其深莫測按府志古傳福海龍居焉井瀨發源於此

琅井 在井北上有魚池四時澄潔

魚池山 在井北上有魚池四時澄潔

龍峯山 在井界

浪溪 自定邊清水河從西北分注溪內入府大河高柳沿堤非微掩映

通志未載山川

楚雄縣志

臥龍岡 在城西孔明南征屯兵於此後人思之故名

馬龍河 源出鎮南經那來乃彌里入江

伯魚河 在治西五十里鵝毛嶺下
蘆草湖 在治南周匝五里
曲甸湖 在府東北三十里
波羅湖 在治西八里
定遠縣志
黃龍山 在城北三里蜿蜒而來其勢如龍

白馬山 在縣東六十里相傳唐僧曾經此山有馬蹄跡曬經松至今猶存

石門山 在縣東南三十里二山相望壁立零川出其中漪波澄澗風水家所謂水口山也

烏龍山 在縣西二十里

寶應山 筆架山 奇峯山 俱在縣東三十里琅井有千葉梅一花五寶

龍門山 萬春山 玉璧山 望如玉壁高出羣山在邑東六十里黑井

寶峯山 在司治東

文筆山 在龍峯山左上建塔以象文峯

仙人山 在長松鄉相傳有仙人化為山云

大江坡 在縣東南四十里出廣通由此立大灣哨

虎嶺 山勢雄莽與鳳山對峙

真武洞 在鳳山之陽為瀟脈來龍鑿空為洞前一石形如龜因建真武殿

望子洞 在縣西四里武侯駐師望子於此

大基河 在縣東北三十里

苴苗河 在縣東六十里
青場河 在縣東七十里
木土龍河 在縣南二十里
紫甸河 在縣西十五里
濯樂河 在司治東北發源菖蒲潭會入井溪為居民蔽濯之所
龍川江 在黑井中即楚雄龍江下流也
龍門江 在司治北昔多水患建塔鎮焉

龍潭 在筆架山麓一名龍泉溝四時不涸禱輒應

文井 在學宮內

武井 在舊所治廳前

北門井 在北門外張大璠家清冽甘美

琅井 在縣東三十里按府志在寶應山麓南詔野史云狼舐地而滴出故名後改狼為琅今因之

黑井 在縣東六十里二井產鹽各設提舉一員按府志一名大井一名西井在司治右

溫泉 在縣東地雜村能去痼疾季春遠近赴浴者甚衆

瀑布泉 在縣西化佛山旃檀林左側水自懸岩而下如珠掩映

李賢者泉 在縣東六十里相傳有老人李賢者嘗丐豆腐於鳳山坊居民乏水賢者以杖叩地泉即湧出

東井 在司治大河之南出河中砌石為井復隆井 在司治北初名崖泉井改今名較諸井更鹹

白石泉井 在黑井北久廢

南山廟井 在司治東南久廢

廣通縣志

阿納香山 在和茶山東二山相連高聳峭拔延至二百餘里
九盤山 在縣東迴旋險峻道路九盤立鋪其中

鶴翁山 在縣北十里形勢高大先名雕翎後改鶴翁象形也

寶華山 在縣西三十里

天馬山 在縣南二十里

高登山 在縣東三里

仙人洞 在縣南八十里巖石參差內深十丈餘下有溫泉洞有火龍出現

餘糧箐 卽湯園箐在翠屏山中傳云武侯駐軍此山值臘月廿四日軍士思楚俗湯園祀竈傾其餘者成石外白內黃石缸尚存縣令李銓採之更名餘糧箐

雕龍河 源出阿陋香山先年土主簿段時可開挖引水至縣前灌田

羅苴甸河 在縣南五十里四山周環一水東注後名羅川

井泉 在南門外金官井泉水甘美

乾海子 在縣北八十里與武定接壤昔風朝文叛率衆來劫居民力戰不支雖爲暫從終以國勝亦邑中要害也

金龍潭 在縣東山相傳昔擒者納有疾風暴雨從南助陣望之有金龍繞空中因名旱禱皆應明時勅縣令每季春祭焉

定邊縣志

石佛洞 在縣西南六十里

溫泉 在縣東山溫泉平地噴出如叢珠縣之可去沉痾冬溫夏和遠近爭浴者不絕按府志溫泉在坐臺山前人往浴焉

麴泉 在縣治後泉水香甜可以造麴因名今已乾涸僅存遺址

大水井 在縣東山頂清冷芳潔烹茶最美

白沙井 在縣西南二十里岡上止此一泉往來飲之以解煩渴其水清潔烹茶極佳井泉俱白沙

南安州志

石羊山 在城西二百四十里

黑龍潭 在州城東七里

鎮南州志

小天台山 在州治東四十里僧性善創建梵宇徧植松竹頗擅巖壑之勝

觀音洞 在城東五里洞中一石如佛旁有清泉

響水河 在城北十里

古井 在州治東門外水清而甘汲之者衆

溫泉 在州治西南一百五十里黑泥山其水清潤遠近婦女多來就浴

水利附

本府 楚雄縣附郭

梁王壩 在城東三十五里梁王所築明弘治十三年重修

東清壩 在東門外

城南堰 在城南三里許按明一統志可灌田千餘畝

大基壩 在城南五十里

跨苴壩 在城南四十里

五排壩 在城西四十五里

曲甸壩 在城北三十里許

皇清康熙十年同知吳閏應重修

東界九壩 高孔莊小河開壩

落苴美河口壩 梁王壩

土坡騎河壩 各邑村欄河壩

毛溪冲官衆壩 排喇村壩

長冲村沙壩 老羊壩

南界九壩 大壩心欄河壩

栗子園壩 白廟屯壩

阜民村壩 大基村石開壩

莫苴舊壩 東村壩

矣口跨壩 阿成壩

西界十壩 清水壩

吳官寺壩 波歪村沙壩

朵基村小開壩 日落村壩

木蘭村壩 了力村壩

河東村壩 大石村壩

觀音寺壩 舊呂合壩

北界九壩 土鍋村壩

楊官屯壩 大屯壩

小各邑壩 東瓜庄壩

河北屯壩 李家冲沙壩

大石鋪壩 定遠縣

清風壩 烏鴉壩

梁王壩 在縣北七里

冷家壩 在縣南三里

金鷄塘 在縣西七里

黃蓮塘 在縣東二里

萬斛塘 在縣南四里

馬糞塘 在縣東二里

賈旗塘 在縣北五里

廣通縣

蘇公壩

甸心壩

郭家壩

山旗壩白土凹河

馬家壩大甸尾河

石頭壩俱南屯河

拾資官壩俱拾資河

南安州

烏龍寺壩

福興寺壩

回子路壩

上邑村壩

力摩村壩

回子村壩

蘇家村大小壩

密康郎箐溝壩

紫石冲壩

鎮南州

大醫壩

土官壩俱習克嶺河

趙家壩俱三場舊河

羅家壩俱瓦窰冲河

董家壩俱雀哺河

李家壩西門外河

金家壩

西屯壩

白沙泉壩

西門外壩

橋邊壩

下邑村壩

溪水崩壩

紅土坡壩

羊舊村壩

打草喇壩

阿力村壩

古矣達壩

白土城壩

天成壩

木瓜村壩

苗村壩

官莊壩

東堡壩 在州東三里

南旗壩 在州北二里

東堡壩 在州東三里

西南二壩 一在州西一在州南

南旗壩 在州北二里

河洞壩 在州南十五里前後二壩

索廠壩 在州西二十里

姚冲玉王壩

大谷堆壩

五莊梅壩

雙甸壩

楚雄府城池考

本府 楚雄縣附郭

通志

楚雄府城池 明洪武十六年建高二丈五尺

厚一丈周七里三分池深一丈五尺設六門東

日平山南曰廣運西曰德勝北曰永鎮東南曰

德化西南曰仁福初城築於爨蠻洪武中都督

袁義謂南山高峻近郭寇據以臨城是資敵也

因繪城山以上御筆抹之適當其巔義遂改築

焉後漸圯隆慶戊辰分巡任惟鈞改築萬曆二

十八年東南圯兵道孟醇重修崇禎五年同知

寶敬禹復修增高三尺厚一尺末年土會沙定

洲圍城副使楊畏知建敵臺十五座堅守民賴

以全

皇清康熙五年總兵馬軍知府史光鑑修十九年地

震城崩

外州縣

定遠縣城池 明洪武二十二年建築土城成

化間甃以磚石高一丈餘周一里三分池深六

尺明末圯

皇清康熙十一年知縣田元愷重修按縣志門三座

東曰清平南曰永安西曰太和北門閉今新開

名曰太平建真武於上東樓存南樓廢西樓亦

廢康熙四十年重修

廣通縣城池 明萬曆四十五年巡按御史毛

堪楸知縣蕭惟馨建碑城高一丈八尺周三里

三分池深五尺天啓元年知縣劉之範修明末

流寇燬城樓

皇清順治十七年知縣張京鐘耿弘啓同修按府志

四門東曰向陽南曰南薰西曰鎮楚北曰拱極

門各有樓康熙十九年地震崩壞今止開東西

南三門北閉

定遠縣城池 明成化三年知縣祝子昌築土

城周二百餘丈高一丈二尺無池今存廢址按

縣志建設與通志同表以三門門皆設樓壬辰

年地震傾圮

皇清康熙二年知縣牟從周重建土城一座周一百

丈高一丈厚八尺無城梁開四門譙樓四座東迎禧南毓秀西鍾靈北豐樂按府志康熙二十五年署縣按察司經歷汪牧建東西南三門南安州城池舊無城明萬曆丁亥通判梅友篁築土城崇禎壬申野賊破城御史姜思睿題請調副總兵商士傑督建石城高一丈六尺周五里有奇後傾圮

皇清康熙八年知州米璋重修按州志東西二門東曰長泰西曰永安又設小東門康熙十九年地大震城垣又盡傾壞五十一年知州張倫至與同城文武公捐逐漸修理

鎮南州城池古無城明隆慶二年知州黃袍建土城後地震傾圮萬曆四十二年知州尹爲憲甃以磚石高二丈周三里餘無池明末圯守道丁繼善修

皇清康熙八年久雨倒塌知州卞廷松修按府志門樓四座東曰肇華南曰文明西曰來遠北曰龍泉康熙十九年地震復崩塌二十四年知州岑鶴及周典鎬復修東西門樓二座四十年知州陳元建南門樓一座中奉魁星以培風脈

欽定古今圖書集成方輿彙編職方典

第一千四百八十卷目錄

楚雄府部彙考二

楚雄府關梁考

楚雄府公署考

楚雄府學校考

楚雄府戶口考

職方典第一千四百八十卷

楚雄府部彙考二

楚雄府關梁考

本府 楚雄府部

府縣志合載

青龍橋 在府城東五里明萬曆年客民徐應

中募建明末漸圯

皇清康熙五年總兵馬寧知府史光鑑同修十九年

地震傾圮二十四年總兵牛鳳翔知府牛象遊

擊王成功捐資倡修康熙五十四年知縣陸坦

捐資重修

延壽橋 在府城東十里地震傾圮知府牛象

同青龍橋詳捐重修

凌虛橋 在腰站去府東三十里按通志明弘

治四年知府邵敏建萬曆三十九年推官陳以

躍修

馬家橋 在府南五里

霜橋 在府西二里

大壩橋 康熙五十年邑民公建

濟生橋 康熙四十九年典史維末禧重修

木蘭村橋 監生楊毓和建

石頭河橋 康熙四十六年建

石橋 在府西十里

清水橋 在府西三十里清水壩

濟川橋 在呂合按明通志在府治西四十里

呂合巡檢司前先是架木爲橋成化二十二年

知府邵敏易木以石長十丈廣二丈上有扶欄

呂仙橋 在呂合

仁末橋 在城北康熙十九年地震傾圮二十

三年知府牛象季吏張朝緝捐資重建

濟渡橋 在凌虛街腰站處向無橋梁人以舢

渡水渡屨有不測之虞知府張嘉頤捐資起建

石橋土縣丞楊世勳董其事工程浩大贊襄之

力居多

中渡橋 康熙五十二年耆民許志能等捐募

重修

定遠縣

會基關 在縣南四十里會基山上

羅平關 在縣西南四十五里通鎮南

迎恩橋 在縣南三里

拱極橋 在縣北三里

會基橋 在市橋 觀音橋

濟通橋 天神橋 雙橋

土河橋 石河橋

五馬橋 在黑井提舉司中街爲行鹽要地恐

溝洫湧下築石基三洞高二丈歷久將圯康熙

九年提舉朱濂重修按通志橋東額匾曰南浦

飛雲橋西額匾曰煙溪疊翠

永盛橋 在提舉司治西南

永正橋 在琅井提舉司中街開井時建

玉帶橋 在河尾按通志明萬曆間井人楊永

廉倡衆建

皇清康熙己酉年生員施浦張仲斌等重修

玉成橋 在提舉司北三里

小石橋 在井西

北門橋 在縣北門外因城門閉久原未建橋

後開北門新建行人稱便

未定橋 在邑南二十里爲府屬諸處必由之

道因河水泛漲石皆湮沒康熙四十一年知縣

張彥紳捐資率紳士里民採石燒灰鳩工重建

廣通縣

趙晉關 在縣東十五里原設楚雄衛左所土

軍鎮撫守禦

蘭谷關 卽響水關縣東七十里原設流官巡

檢一員弓兵十四名明萬曆間裁按通志南山

夾水鳥道羊腸最爲險隘接祿豐六里舊

回蹬關 在縣西十五里原設流官巡檢一員

弓兵十四名明萬曆年裁止存土巡檢並弓兵

按通志卽回蹬山蒙氏閣羅鳳征雲南拓東城

至此值大雷雨其佐勸之回因名元末紅巾陷

中慶梁王奔威楚求救於大理段功率兵攻破

紅巾古田等追至關大破之卽其地

羊毛關 在縣東北八十里原設流官巡檢一

員久裁止存土巡檢一員弓兵十四名

清風橋 在縣東門外三里明洪武十六年知

縣王正修建嘉靖年陸芳重修

蒙七橋 在縣東二十里明嘉靖間堡軍徐昂

修建

黑其橋 在縣東二十五里按通志明成化間

黑其軍民共建

安樂橋 在縣東四十里捨資界明嘉靖年堡

軍潘惠建

廣濟橋 在縣東七十里新鋪康熙二十八年

建

響水橋 在縣東七十五里響水箐底明成化

年建

濯纓橋 在縣西門外明弘治年知縣蔣哲縣

民陸芳建

明月橋 在縣西牛里明成化年土官段鑑妻

梅氏建有碑

通濟橋 在縣西五里明成化年建嘉靖年堡

軍周惠重修

關山橋 在縣西二十五里同登關下明弘治

年堡軍何榮建

定邊縣

自普關 在縣北

普利橋 在縣治內按明通志橋甚高廣一縣

壯觀

未濟橋 在新田驛前明成化八年建

平彝橋 在縣前久廢

德勝橋 在縣北十里明初西平侯征南至縣

刀斯郎伏兵於此俗傳武侯所建大水久冲橋

址猶存

永隆橋 在縣北十里即在古德勝橋之上康

熙三十八年署定邊縣事楚雄府同知衛淇置

南安州

會稽關 在州南一百二十里明洪武間設巡

檢司萬曆間裁

鵝毛關 在州南八十里通羊九五尖路

安稍關 在州南三十里

趙通事關 在州西六十里

天心橋 在城中正街明成化間建

迎恩橋 去城西半里明成化間建通府大路

擢秀橋 在城東門外明成化年建

新石橋 去州西半里往表羅路

小橋 在州西北二里往府大路

濟川橋 在州西南五里往磬嘉路按通志明

萬曆年知府邵敏建推官陳以躍知縣羅弘謨

重修

妥稍橋 在州東南四十里往法康撒甸路河

窄流急架木不堅康熙四十七年知州張倫至

捐資率士民砌以石以利永久改名曰未安

弘濟橋 在州西南二百里路通石羊廠民皆

病涉康熙四十六年知府盧詢知州張倫至捐

資率衆鎔鐵索聯給木石建之

江橋 在石羊廠下水流洶湧舟楫多虞康熙

四十四年武生滕凱捐基地昆明吳學周率廠

民捐建四十八年知州張倫至捐資率各省洞

民修

西龍橋 在舊磬嘉北十里

三麻架橋 在舊磬嘉東八里明景泰年知縣

熊飛建嘉靖間縣民楊江末重修

魚裝橋 在舊磬嘉東南二里

麻紐河橋 在舊磬嘉西十五里明弘治年知

縣虎臣建楊江末重修

鎮南州

鎮南關 在州治西二十五里設土巡檢一員

領弓兵七名防守後弓兵奉裁

英武關 在州治西七十里原設土巡檢一員

領弓兵十三名防守康熙二十五年俱裁按通

志驛山脊越峻坂菁莽陰翳行者寒慄

阿雄關 在州治東南二百四十里接壤景東

府火石哨界設土巡檢一員領弓兵十名防守

康熙三十四年弓兵奉裁

黑泥橋 在州治東半里明萬曆年知州尹爲

憲建

應嗣橋 在州東南一里明萬曆庚戌年黃廷

佐因祈嗣而建果應

豐成橋 在州西城外明天啓年知州盧伯家

建

瑞應橋 去州西五里即平彝橋明萬曆年知

州周國庠建按通志即丹桂橋通迤西八府

未寧橋 在州西北七里明萬曆年知州周國

庠建

小橋 在州西北五里

鎮川橋 在州東南二里康熙三十九年土州

同段光贊新建橋左建觀音閣以培一州風脈

知州陳元為記勒石

白塔橋 在州西三十里明萬曆年知州李茂

魁建

擢秀橋 在州治東城門外知州尹為憲修

天心橋 在州城內通北門水徑

長壽橋 在州東南三十里康熙辛未年監生

李植建

石官橋 在州南十里土州同段明柱建

長坡橋 在州治東二十里康熙三十九年監

生李植建

三元橋 去州南一里許康熙丙寅年武舉徐

乾元建

羊草河橋 去州南六十里州民王末清等同

衆修建

鼠街橋 去州西南二百里康熙七年客民趙

英建因水泛傾頽三十八年金元勳武方侯等

重修

宜力橋 去州西四十里

楚雄府公署考

通志

本府

楚雄府治 在大西門內洪武十六年建

皇清康熙五年知府史光鑑修十九年地震崩壞二

十二年知府牛奐重修按府志正堂三間堂左

為架閣庫右為常盈庫東西列書吏房各四甫

道立戒石前為儀門左為土地祠右為賓賓館

外為大門旌善亭申明亭列左右正堂後正中

為知府署後為恩政樓

同知署 在府署左康熙十九年地震傾圮二

十一年同知王鎮重建

通判署 在府署右地震傾圮二十三年通判

汪遵卿重建

推官署 在右缺裁署因地震傾圮無存

經歷司署 舊在同知署前今傾圮

照磨署 在通判署前缺裁廢

司獄署 在府治儀門外右偏

稅課司署 在府治東裁廢

陰陽學 在府前

醫學 在三皇宮

僧綱司 在雲泉寺

道紀司 在北閣樓

楚雄衛署 在府治東隅衛裁改為學道行署

後地震盡圮

分巡道署 在府治東南正堂三穿堂一後有

書廳五左右廂房各二堂左右為書吏房前二

門外大門左右鼓棚各一地震傾圮知府牛奐

詳請加增棚場考較生童

察院行署 在廬塔山下久廢

守道行署 在小西門左久廢

兵備道行署 在元貞觀南久廢

磅嘉縣署 在縣署右久廢

大有倉 在府治東康熙十九年地震崩圮二

十三年知府牛奐重修

常盈庫 在府內

公館 一在鎮南州一在沙橋一在廣通康熙

十一年知縣耿弘啓重建一在捨資耿弘啓修

一在石澗鋪今圮

督學道考場 在府治東即守道舊署地震傾

圮康熙二十二年知府牛奐重修

楚雄縣治 在城內南明洪武十七年建成化

十年同知唐凱重修萬曆八年知縣王國寧遷

於城內西社學舊址

皇清康熙十九年地震壞二十三年知縣李煦修二

十九年知縣李夢蘭重修舊在城西南隅康熙

三十一年閩郡紳士以規模狹隘非臨蒞之所

具呈府縣詳請兩院司道改於衛署舊址土官

縣丞楊毓秀捐建大堂三間東西列書吏房六

楹前建儀門三間門外左土地祠右迎賓館各

三間後樓五間左右廂房各三間

典史署 在儀門外

演武場 在北門外舊有演武廳地震傾圮康

熙四十九年總兵駱儼遊擊郝玉麟重建

新倉 在府治南康熙十九年地震崩圮二十

三年知府牛吳知縣李喧重建

外州縣

定遠縣治 在城內西北明洪武二十四年建

皇清康熙十一年知縣田元凱重修按縣志年久全

圯康熙三十九年知縣張彥紳捐修重建後樓

三間匾曰裕後樓左右翼舍各二間左右廂樓

三間建二堂三間匾曰敬簡堂堂左間月樓二

間堂右清嘯堂二間左右各廂房三間又左述

古軒三間瑞荷堂三間廚房三間又有箭場三

間匾曰觀德建大堂三間匾曰保赤堂左右為

神祠各二間堂前建坊一座大堂左右書吏房

各五間左右班房各一間左更房一間儀門三

間左右角門二間儀門左寅賓館右鄉約所大

門三間左建鐘鼓樓一座扁曰鎮西樓右建鋪

獄各三間

典史署 在縣堂右

土官主簿宅 在城外錦石平

新定倉 在縣治內

赤草湖屯倉 在縣西北

養濟院 在縣東南隅平房三間

漏澤園 在縣東門外明嘉靖中署縣事劉名

弼置

廣通縣治 在城內明洪武十五年建弘治十

一年知縣張羽重修嘉靖十一年毀二十一年

知縣王世昌奉文修理明末兵毀過半

皇清康熙二年知縣張京銓修葺按縣志大堂三間

堂左為庫後為川堂二堂三間後為宅門內為

衙舍樓三間有翼皆南向大堂左庫房堂下東

為吏并民壯及糧禮承發房堂右戶房堂下西

為兵刑工直堂房儀門三間左為土地祠舊為

賓館右為獄前為頭門上為鼓樓又丈餘與儀

門對為屏牆旌善申明二亭嘉靖間建於縣門

左右明末亂燬今僅設二匾豎立老人鐸守焉

縣東日昇樓

典史署 在縣堂右前後兩層前為堂後為衙

與縣宅接武門南向轉東

主簿署 舊設縣治後左土官因停變漸頽廢

鹽課司大使署 阿陋井縣轄

回證關巡檢土官署 原設回證關後移署珊

瑚村縣城西南十里

沙矣德巡檢土官署 原設響水關後移署沙

矣舊縣城東北六十里

公館 在城東街前廳後川堂內宅左右兩翼

頭二門外立屏牆左有亭前垣畜竹木數種上

司按臨以為行署知縣胡項重修顏之曰聚星

亭本府同知馬天選題匾曰立山望月

廣盛倉 舊在縣大堂左右兵燹無存今於舊

分司內重建

演武廳 在縣治東儒學右原有廳久燬存其

址

迎春亭 在東門外青霜坡舊有屋亭以兵燹

燬今存其址於時以松枝蓋覆春牛芒神土人

擊鼓旋舞樂焉

定邊縣治 在城內明洪武二十二年建成化

十三年知縣馮源廣重修丁亥焚燬按府志裸

賊焚燬無遺

皇清康熙二年知縣牟從周徙建於舊治西南儀門

大堂及川堂各三間後堂五間耳房十間康熙

九年知縣呂崇簡重修後樓三間併大門土地

祠

典史署 在縣署內按縣志舊無署康熙三十

四年知縣崔靖於縣署東建置典史衙署

常平倉 在縣署康熙三十一年設

賑濟倉 在縣治左舊在治東明成化間知縣

祝子昌建

皇清康熙四年知縣牟從周改建於縣治左

南安州治 在城內明正統八年建崇禎壬申

野賊焚燬殆盡知州王明選重建按州志大堂

三間旁列六房大門儀門川堂各一正樓一寢

室一

皇清康熙二十九年知州趙延鴻重修年久大門儀

門正樓俱圯康熙四十九年知州張倫至捐資

重修大門儀門易正樓建廳五間

吏目署 在州治左

分司 在州治左被偽兵拆毀無存康熙二十

一年知州唐之柏建鄉約所三間

常盈倉 在州治南

常平義倉 康熙二十一年知州唐之柏同署

學正黃應泰吏目劉賜照設平房三間

妥甸倉 原三間康熙四十七年知州張倫至

修葺又於左建三間右建五間

養濟院 在州東城外

鎮南州治 在城內明洪武十六年建

皇清康熙元年知州彭程漢七年知州卞廷松重修

按府志正廳三後廳一儀門三鼓樓一旁房八

獄房三吏舍四旌善申明亭各一康熙七年知

州卞廷松建中樓三間十九年地震傾圮知州

李績祖重修中樓及後正房三左右房六內書

房三旁房三康熙四十年知州陳元修建中廳

三顏曰省過堂左右建吏書房各五間

吏目署 在州署內

土州同署 原在州治左因沙逆焚燬遷居城

東儒學之左

土州判宅 在州治西

行署 在州治東大門三儀門三大堂三穿堂

一後樓三吏書房六皂隸房六順治十八年知

州王登祥修日久傾圮康熙四十二年知州陳

元捐俸重修詳請改爲縣和書院

永興倉 在州治內

預備倉 在州治儀門內東共五間

天成倉 在州東二十五里

黑馬邑倉 在州西北十里

養濟院 在州西一里

育嬰堂 在州東古雲坊之左知州岑鶴建

黑鹽井鹽課提舉司署 創自明洪武壬申在

金泉坊中大門護樓一所設鐘鼓右監倉左義

倉土地祠儀門三間東西列書吏房三間中甬

道立戒石正堂三間堂左舊爲吏目廳

皇清康熙三年裁右常川庫自康熙元年課歸商辦

不由并解今不設川堂三間右客廳三間左書

房三間後寢樓三間舊額環山樓今廢

鹽課司署 舊在東山界口後廢今移德政坊

玉璧山下大門一間二門一間大堂三間後樓

三間左右廂房各一間

琅井提舉司署 明初設鹽課司原爲鹽課司

大使署天啓三年裁鹽課司大使移安寧提舉

於琅改爲提舉司署舊坐東向西湫隘局促提

舉尹三聘改坐東北向西南增拓重建又買井

民基屋以爲內宅正堂三間東西吏舍各三間

大門三間儀門三間川堂五間廂房六間內宅

寢樓五間左右翼舍各二間飲水廳三間在堂

右石坊一間在川堂右飲水石坊俱提舉來度

建提舉沈錫因石坊傾圮改建書舍三間筠軒

一間在石坊南提舉來度建涼亭在筠軒後提

舉周尉建

吏目署 大門二門各一間正署三間後宅三

間廂房共六間

楚雄府學校考

通志

本府

楚雄府儒學 在府治東明洪武十九年建成

化六年御史郭瑞參政顧學遷於城東隅弘治

十六年知府朱繼祖建號舍同知曾顯建會講

亭嘉靖六年知府祝弘舒遷於府治東十六年

知府李邦表建聚奎樓萬曆九年知府張廷臣

十五年知府黃大年相繼重修十八年兵巡道

楊寅秋拓大其制二十三年知府楊秉越重修

其經籍祭器雅樂兵燹無存

皇清康熙六年知府史光鑑修葺十九年地震崩倒

康熙二十二年重修知府牛榮倡捐鼎建按府

志大成殿五間兩廡各十六間櫺星門三間名

宦鄉賢祠各三間康熙四十六年知府盧詢捐

修文明坊一座在櫺星門外泮池石橋三座五

十四年知府張嘉穎等捐資築圍牆建橋門三

座於泮池兩岸培植桃李文昌祠在泮池左魁

星閣在泮池右啓聖祠在大殿後尊經閣在啓

聖祠後萬世宗師坊德配天地坊道貫古今坊

俱五十年知府梁文煊一概捐修明倫堂五間

在學宮右四十八年教授李鏡捐修道義門三

間大門三間東齋房十間今爲府訓導署西齋

房十間今爲府教授署西齋房於二十四年教

授段緯祖捐建至四十八年教授李鏡到任因

舊署無存將西齋房一槩重修又捐建內廊房

三間外書房二間另開一門築牆垣培花木暫

爲教授署云

龍岡書院 在府西門外明嘉靖間知府祝弘舒建

龍泉書院 在府治南明嘉靖間分巡食事彭謹建按府志在鴈塔山下久廢無存

南峯書院 在府治南明嘉靖間巡按御史黃中建

新建書院 按府志康熙四十六年知府盧詢於府城西學舊址捐俸起建明倫堂三間左右書舍各五間大門三楹爲諸生肄業之所置田四分坐落曲甸歲收租穀五十八石爲會課之資委儒學教諭董其事

義學 二一在本城大東門內康熙二十九年知府曾大昇捐米延師訓課一在學宮之前康熙四十八年知府盧詢捐俸起建講堂三間左右書舍各三間大門三間置義田二分坐落毋巴喇收租穀三十一石委府學教授訓迪

楚雄縣儒學 舊在府學左明弘治十七年知縣范璋建隆慶中重修泰昌中知縣曾應龍復遷西門外鳳山之麓明末沙賊焚燬

皇清定鼎以來不另立廟同府廟祭祀康熙二十六年

年教諭李載膺捐修聚奎樓按府志明倫堂在學宮左儀門三間大門三間聚奎樓三間在明倫堂後今爲教諭署康熙五十年教諭孫其茂重修三十年復設訓導知府曾大升新建大堂三間一堂三間左右廂房各一間爲訓導署俱在明倫堂左

義學 三一在大西門內一在東馬房屯一在

常春庵康熙二十九年知縣李夢蘭教諭李載膺捐俸延師訓課

外州縣

定遠縣儒學 在縣治東南明嘉靖二十六年知縣沈和詳請督學胡堯時建知縣謝表繼成之

皇清康熙十年知縣黃朝彥田元愷教諭徐煒麒修康熙二十二年知縣曹振邦修飾又以廟地淺狹市地建尊經閣按縣志大殿五間兩廡各七間戟門櫺星門各三間明倫堂三間敬一亭三

間廢進德修業兩齋各七間廢道義門廢儒學門三間啓聖祠三間後二十四年知縣曹振邦重新大殿兩廡各宦鄉賢戟門櫺星門外建德配天地道貫古今二坊前置照壁一座四十一年知縣張彥紳重修疏鑿泮池有未備者悉增補之

書院 明嘉靖丙辰定遠知縣越民表捐修久廢康熙三十五年知縣袁乃瀚重建平房三間義學 二一在儒學右側一在天台寺康熙二十年知縣王芝裕捐俸延師訓課

廣通縣儒學 在縣治東明嘉靖二十五年知縣吳習建知縣李第總修萬曆中署縣事順州知州吳思溫開泮池推官鄧林復置石橋後經流寇焚燬

皇清康熙元年知縣楊象乾草創三年知縣張京銓增修十一年知縣耿弘啓繼修二十二年知縣胡頊重葺按縣志大成殿五間兩廡四間戟門

櫺星門文明坊泮池青雲橋崇聖坊育賢坊敬一亭聚奎樓啓聖祠東名宦祠西鄉賢祠明倫堂東西齋房省牲所尊經閣俱全康熙二十四年訓導全五倫同通學復建文昌閣後知縣楊振藻改修文昌閣爲龍吟閣五十四年知縣劉淑以正殿規模狹隘併門坊祠廡日就傾圮乃同教諭樊于升訓導黃廷衡典史關弘道及紳士捐資一概重修

義學 舊有社學在縣治左今廢康熙三十六年知縣李銓於其址立義學捐資延師訓迪五十年知縣龍文玉五十四年知縣劉淑相繼延師講學

學田 舊租歲入米約三十石兵火後荒莫能墾歲納糧一石七斗歲入租除交糧捐賑貧生外額存銀七兩二錢七分三釐解提學道射圃 按縣志在學宮右傾圮日久僅存其址

典賢書院 在廣通縣射圃定遠縣儒學 舊未說明成化八年知縣馮源廣建社學於縣治左嘉靖三十七年知縣胡廷珍重修丁亥年亂兵焚燬知縣周希聖重建壬辰地震傾圮

皇清康熙十年知縣呂崇簡建正殿五間於舊治春秋祭祀繼署事按察司經歷汪牧建啓聖祠戟門知縣何錫爵建兩廡櫺星門三十四年知縣崔靖建明倫堂署縣事本府通判周蔚鑄俎豆祭器五十年知縣楊書重修復置月臺神道開泮池建名宦鄉賢祠規模乃備創建自康熙十

此為試讀，需要完整PDF請訪問：www.ertongbook.com